



Marfat.com





محمراقبال بممى



سوہنیاں تے نوکلیاں کتاباں دامرکز FAA

تال كتاب : يريم د عدماك

لكمارى : محمدا قبال مجمد

چهن ور با : ۲۰۰۹ء

کنتری : ۵۰۰

مَل : کمروپ

كمپوزنگ : سجادكمپوزنگ سنثر

ناشر : فروغ ادب اكادى

۸۸ ـ بی پسیطلا ئے ٹاوکن بموجرانوالہ فون:۳۲۵۱۲۰۳ _۵۵

چڑ کھاوا سجناں دے نار

من وا چرفہ ڈھا کے وم وم الف دی پونی پاندے رہے پریم دے دھا گے والدے رہے، پریت دے جوٹے لائدے رہے

فهرست

ملاريم دے دھا كے۔۔ پنجاني كافيال دانويكل براكا۔۔ ڈاكٹر بشيرعابد۔ 11 اجوكرورداصوفى محمرا قبال مجيى ___غلام مصطفى البيل _23 لا إكواى چشمه نوردا....25 كلاتون اين صاحب ميرا.....26 ملاو يكمال اومديال ذات صفاتال بركم بورابورا.... 27 28..... کا کریے کیہ الميرےدل وچ أفھياشور....31 كل وچ كينها، بازوباى، أثكلال دے وچ چھلے.... 34 ↑ رسیامیرامای میتھوں کون کھے میراحال نی 35 بیراحال نی 35 بیراحال نی 35 بیراحال نی 35 بیراحال نی 35 بیراحال نی 35 بیراحال نی ... 35 بیرا المعنول كرد في ال جران بين المعنول كرد في المعنول كرد في المعنول كرد في المعنول كرد في المعنول كل ا كم بن لادے باغ بہار بحن 39 مرجو پيداجام أس ساقى دا.....42 المرا بھاگ مرے وی جا کن تیری صحبت کھتے چنگی45 الفرجومحبت رکھے ہردم ملحی تھیوے ۔۔۔۔46 مينون دورندد هوعدن جاوي تون.... 47 مينون دورندد هوعدن جاوي تون تك تال فقرد _ يارى لاون بهاك جهال د _ يظ 50

كىربوكى مى ما كالمان ما كالمان المان الما ئرمينول الى را ہے اور 52 اك الله اك مولاوالا بردم ورديكاند عديد ئرےاوہ اے جفے این ذات مکائی..... 57 مکائی۔.... 57 ئى سىھتوں وۋى تون سركار..... \$58...... \$58 ا مردا أعفرات براتيل بدال دى أك بالے 60 المرتقال جيكال مارن و مع تير وصف صفاتي 61 ت جاگ مسافر بن تے جاگ 62 المردم ساه دى تسى أتے يارداكلمكيے.... 65 ئاو کھے کیہ آ کھے مرشد سائیں کول ذراتوں ہو کے 67 كاكسيدان دے وج رجمي كيويں جلھے چول چرهاوے..... 71. ئونيادنيا كردى ويم كان تے ظفت سارى..... 72..... مارى ₹ كيرواب يرواهاعى.... 73 المار منداا ماوه كل مكل فروى سيمنال جوز 80 المحروكووكم نيس رستے بھاويں، سبحدى منزل توں ايں..... 81 المحمد و ماته على دانول ايدي جاوے فيل 82 كالى حكريريت تاوہنوں ويكيس تو را نيما كيں83 85.... كا لك بحن دى ودهدى جاو سے.... 85

مئے عشق دے لا نبوتن من لو میا کس نو ل میں بتلا وال..... 88 الا کے جب سے ساجن نینال..... 89 ١٠٠٠ موش بعلاياس تكوائي عشق دايايابانا.... 91 المكاندُس ماى تال مرين، ياندول وج محندُتون أثريا.....92 على مين اندرون تول على تے يجھے مرده ر مندا.....93 مندا.....93 ئم منوں وساری جہاں دنیاصاحب دے موملے94 كمونو قبل مونو والا درس يكاياجها ل..... 95..... 96..... عیندے اس نال وقت و پہاندے 96 میں اندے 96 میں اندے ... 96 میں ئردررتے جو جھکنا جا ہوے ایے سرنوں کیے97 ك عشق دى سكت ياون والے كدے نه بدلن چو لے 99 ككول داحال كيه موندا، كملاديندا تنج د مائيال..... 100 كم عشق نمازال جهال يوهيال نيز _سركيايا.....101 الما سے صاحب نوں اوہ بھاوے جولوے سیائی منت نی 102 شوف کریں توں عیب بھری تے سی کل سناویں....103 میں اور میں ہے ہے۔ اور میں استان میں میں اور میں میں اور میں میں ا ₩ كيها ميرازور....104 كامكان والكون ساموان تال تون نت وياركرى جا.... 110 · ١١١٠ اوكن ماراكلي شريحي كوكي تبيس جليا تال..... 111 المكاروب كواجا كيوس مجهنمينون آكى....11 الملا چھیل چھیلیاں ناراں و کھے توں کھیاں ہو کے چلیاں....114

ملااوس يريت دى دحونى لائى كيتى دورويرانى 115 ان د اوی جوندے ہے نیں رہ کے کلے کلے۔.... 116 ملاو کھے کے میری حالت دے ول دورکوئی پیاہے 117 118....كرم مال تي ذات ترىاك 118 المستوني مين دهول دے مجھے جلی 120 المحجمال آ محض تقانى او مو بيارير چيال 122 123.... چارم نال بین دے رہے ہوم نال بین دے رہے۔... 123 المستونی میراجینامرناسائیاں دے لڑلگ کے 125 127.... Utto Co و تعلی مانای 127 129.... اكتبيل جملى 129 مركوا في ايويس كتى اكتبيل جملى 129 المك كف جان لے كآتوں 130 مناونیا کردی دنیا، دنیا اندر همی 135...

يريم دے دھا كے: پنجاني كافيال دااك نويكل براگا

ڈاکٹر بشیرعابد

محمد اقبال جمی ہوران جمتے پنجابی شاعری دیاں دیکی صنفاں وج فکراں دے درشی
دیوے جگائے بیں او تھے ''کافی'' صنف را ہیں ایہ وجے نرول تریل دھوتے بھلا ان دے گلشن وی
سجائے بیں جہنال وچ ر بی لگن تے اوہ دے اک ہون دی گواہی ہر پھل تے ہر ہے وچوں ہمک
ہمک کے اپنے ول کھپاں ماردی دکھالی دیندی اے ایہنال دی سوچ دی پوتر تاکافی دے ہر حرف
تے ہرا کھر وچوں اُگدے ہوئے سویرے وانگوں اللہ ہودی صدا دلال دے منھیر خانیاں
نوں نوری چانن وعد دی نظری آ و عمی اے جیویں میاں محمد بخش ہورال بھے شاہ دے صوفیانہ کلام
بارے آ کھیااے۔

بلص شاه ای کافی بر حیال منے کفرا عردا

ا قبال بجی ہوریں اوہ بھاگاں تے بختاں والے منکھ نیں جہناں کول حیاتی نوں تریل دھوتیاں فجراں واگوں ہدگاران تے سنواران دا جذبہ بمیلاں ماردالبھد ااے بجی ہوراں شاعری دے ہربیان وجی اپنی بجرویں موجودگی دااحیاس اجاگر کہتا اے جس وجی ایہناں دی فنی پچنگی تے فکری کھلارنوں بڑا عمل دخل تے ایہوای نویکل احساس ایہناں دیاں کا فیاں وجی بڑی آن تے شان نال جھلکداملدا اے اللہ تعالی ولوں موصوف ہوراں نوں ذہن بڑا کشادہ، سوجی بڑی ڈونکھی تے عزم بڑا مہم جو عطا ہویا اے ایسے کارن ایہناں دا ادبی سرمایہ بڑیاں خوبیاں تے خوبصورتیاں نال بھریا ہویا اے ایہ کیوں نہ ہووے کہ ایہناں دی حیاتی دا مقصد تخلیقی عمل وجی خوبصورتیاں نال بھریا ہویا اے ایہ کیوں نہ ہووے کہ ایہناں دی حیاتی دا مقصد تخلیقی عمل وجی دیصورتیاں نال بھریا ہویا اے ایہ کیوں نہ ہووے کہ ایہناں دی حیاتی دا مقصد تخلیقی عمل وج

متحلی کتاب'' پریم دے دھاگے'' علامہ نجی ہوراں دیاں نویاں تے نرول کافیاں دا انملا پراگا ہے جدے دی ایہناں اپنے سچ فکراں تے پوتر سوچاں نوں کافی ہیت دے د کھرے وکھرے وکھرے دکھرے دکھرے دکھرے دکھرے دروں دروں دروں داہیں نظمایا اے تسیس ایس کل دامضمون وج مشاہدہ کر لوو گے۔

کافی دی تکنیک روای اُساری اُت قائم رکھدیاں اپنے فکراں تے خیالال نوں اہمے سلیقے تے قریبے نال لوکائی سانویں لیا تدا اے جہال وچ نجی ہوراں دے درویشانہ سجاتے صوفیانہ ورتاہ ہورتاں دے درویشانہ سجاتے صوفیانہ ورتاہ ہورتاہ میں نشری فضاہسد ہے متعصوا گت کردی ملدی اے۔

الیں توں پہلاں کہ اسیں علامہ اقبال نجی ہوراں دیاں کا فیاں دافکری تے فتی جائزہ لئے،
کھر گلاں راہیں کافی دی صنف تے اوہدی ڈھلی تاریخ بارے چائن پا ناضروری بجھنے آ ل تال ہے
کچھر کو یرالا یا جا سکے کہ کافی کیہ اے؟ تے ایہ شعری صنف پنجا بی شاعری دی ورتوں وچ کیویں
داخل ہوئی۔

کافی دامادہ کفیٰ تے مصدر کفلیۃ اے جہوا خالص عربی اکھرائے تے ایس دااسم فاعل دی دامادہ کفیٰ تے مصدر کفلیۃ اے جہوا خالص عربی اکھرائے تے ایس دااسم فاعل دی کافی کے کفایت کرن والا لئے جاندے نیں لیعنی کہ کفایت شعار۔ انج ایس توں تت این کلیا بی کافی خالص عربی داای اکھرائے۔

لفظ کافی پنجابی شاعری و چ بطور صنف کافی کویں داخل ہویا! کدول تے کئے ورتول و چ لیا عدا۔ الیس کچھوں الیس کھوج پر کھ دائیا تھتھ اچواب ملنا بہوں او کھا اے۔ ہون تک دی کا ڈھ موجب اید سکا نکلد ااے کہ کافی پاک و ہندوج موسیقی و براگاں وچوں اک مقبول راگ دے تال اتے کافی دے روپ وچ لوکائی ساہمے آیا جہدا موڈھی راگ کافی دی صورت وچ حضرت میر ضرود سیاجا عدا اے کیوں جے کافی راگ خسرودی ایجاد آ کھیاجا عدا اے۔

صدیاں پہلاں عوام کتھے ایہنے پڑھے لکھے ہوندے س-اس لئی سدھڑے سادے لوک معرفت محرے کلام نوں کافی ای کہن لگ ہے ہون کے تے ایکل کے حد تک درست دی لکدی اے۔

دو بے پاسے بے فاضل کھاری تے ہزرگ شاعر محترم بشرحین ناظم ہورال دی کا ڈھول دھیان ماریئے تے اوہ کافی بارے اپنی نویکلی پڑچول قرآن دی اک آیت لیس الملہ بکاف عبدہ. نال مسلک کردے نیں تے ایہ تت او ہنال اپناک مضمون جہزاع سملم ہورال ہورال دی پنجا بی کافیال دی کتاب ''واگال میں ول موڑ'' وچ شامل اے جہدے وچ او ہنال دو جیال محققال دیال راوال دے جواب وچ مختلف آیتال دے جواز نال ثابت کیا اے کہ کافی دی ہورتحریف ایہ وے پی ایہ پاک پوتر تے شیشے ور کے شفاف دل وچول نکی ہوئی ہوک اے جہدے مئڈ مطعنا صرابس الملہ بکاف عبدہ اُتے پکا یقین ، جی اللہ دا چان دیال دی لوتول مورث وشنیال تے رشال نیں۔ جدول ایہ تجل دیال دوشنیال تے رشال نیں۔ جدول ایہ تجلیال من وچ جگمگا انھدیاں نیں تے ایہنال دی لوتول حرفال تے لفظال را ہیں کافی دا ظہور ہو عمالے۔

بشرحین ناظم ہوریں اپنی ایس کا ڈھوں اصل اکھوان اُتے اصراروی کردے نیں پر اے تاویلاں یا تدبیراں تے ہوسکد یاں نیں کوئی پکی پیڈی تحقیق نہیں متھی جاسکدی، جے فاضل محقق ہورال دی نویں تحقیق کہ کافی دے مفہوم دا تک نقشہ عربی لفظ کافی تے شافی (کاف مثاف) جہڑے سے سائیں تے سرجن ہاردے صفاتی ناں وی نیں جہڑے اوکڑاں و یلے مسلمان شاف) جہڑے سے سائیں تے سرجن ہاردے صفاتی ناں وی نیں جہڑے اوکڑاں و یلے مسلمان بزرگاں راہیں کافی تے شافی داوظ یفہ کر کے اللہ تعالی دے حضور بخش منگن دی قد بی روایت ٹری آ وعری اے اوس کو رکھ کے ای اُچ ی آ وعری اے اوس کو رکھ کے ای اُچ ی آ وعری اے دی اور تر آ نی آ کہتاں وی مادہ تھی دی ورتوں نال سامنے آ جا تدیاں نیں جویں۔

- 1- وكفي بالله وكيلا
- 2- اقراء كتابك كفي بنفسك اليوم عليك حسيباه
- 3- هوالذى ارسل رسوله بالهدى و دين الحق ليظهره على الدين كلمه. و كفى بالله شهيدا.
 - 4- فسيكفيكهم الله ٥ وهو السميع العليم
 - 5- وكفىٰ الله المومنين القتال

6- انا كفينلك المستهزين

7- أدخلو في سلم كاف

رکل انج نہیں بن دی سکوں صنف کافی ہور بھیڑیاں وچ ہے جائے گی تے ہے تصوف دى مُدْهلى تاريخ ول دهيان ماريئے تے فيرصنف كافى داوجود برداقد يم متمنال بوے كاتے فيرعرني فارى ادبنول كمظالنا أت ضرورى موجاوے كاكيول جے فارى اردوتے بنجاني ادب دا سوما عربی ادب دے گھے چوں پھٹیا اے برصنف کافی دا مُدھلا وجود نہتے عربی ادب وج كدرے وكھالى ديندااے تے نہاى فارى ادب وي ايدائكارالىمدااے جدكة تعوف دے سارے مسئلیاں داسرمایی عربی تے فاری زباناں دیاں شعری صفال وچ مجروال موجودا ہے۔ لكين كافي بيتروج كدر _ وى وكهالى تبين ديندا _ ايهدى كيدوجدا _ ؟ ميرى جا يحافى اين مكتى اسلوب بإرول كدول تے كرال لكائى وچ برجلت موكى ؟ ايمدى كا و صفح قين عالے مور تحقيق طلب اے۔ بری پری بیر حسین ناظم ہوراں دی کھوج پر کھنوں ای آخری حرف من نال مسلامل نہیں ہندا کیوں ہے کافی داوجود صرف پنجابی ادب وجائ ای ڈلکاں مارداو کھالی دیندااے۔الیں كلول اے سكانكلدااے بى كافى صنف داكك نقشه اپنے پورے مها ندرے نال شاه حسين دے كلام وج أكمروال بمعداا _ تے فكرى لحاظ نال شاه حسين اى اصل وچ كافى بيتر د مودعى كدے نيں أنج بعاوي ايبدے له حلے و حافظ عابا فريد بوران دے كلام نال ملدے نيں ي كى پيرى تے نترويں تحقیق داكوير حالے وى سرے بيں چوھياتے أجے وى كافى دى تخلیق داسرا الجهابوياك تايكى مالدى محقيق طلباك جانكاى محقق برجول كرد عدب ضرورالیں دی تخلیق دا سربتا نظری آجادے گا۔ایہدے واسطے کھوجن واعمل اُت ضروری اے كيوں ہےكافى دے اصل ماخذ دااتا باكواچيا ہويا اے۔سندمى زبان دے ياركھابيدوكى كردے نیں پی کافی سب توں پہلاں سندھی زبان وچے آئی اے تے پنجابی پار کھالیں نوں خالص پنجابی زبان دی صنف آ کھدے نیں کیوں ہے کافی نوں تراں تے پیان والا کلاصوفی شاعر شاہ حسین ای نظری آ وعداا ہے۔

کافی دیج تصوف دے مسئلیاں توں او تو حید، رسالت، مبر، شکر، قناعت، ہجر، فراق، قرب، کافی دیج تصوف دے مسئلیاں توں او تو حید، رسالت، مبر، شکر، قناعت، ہجر، فراق، قرب وصل، پیار، محبت، تکھی، خلوص، الله نال محبت تے غیر الله نال نفر ت، مرشد دی بھال، انسان دوسی دا درس، ظلم تے ناانصافی نال اِٹ کھڑکا، عاجزی تے اکساری دی تبلیغ، حق سے دااعلان، عشق تے درس، ظلم تے ناانصافی نال اِٹ کھڑکا، عاجزی تے اکساری دی تبلیغ، حق سے دااعلان، عشق تے

سلوک داپینڈا، اخلاق تے کرداردی تعلیم تے آپی وج امن تے سلامتی نال رہن ہمن داسنیہا، تصوف دی پوڑھی دے ڈیڈے نیں جہال دے وسلے تے ذریعے نال قرب الی دانظارا حاصل کیتا جائداا ہے۔ دوج لفظال وج تصوف اوہ قدیل اے جہدے دی اخلاقیات دیال سمھے روشنیاں جگگ، جگمگ کردیال وکھالی دیندیال نیں۔

تصوف و چ عشق مرکزی نقطے دی حیثیت رکھدااے۔ جہدے گردساری کا نکات دی موجودگی قائم اے۔انسان کا نکات و چ احسن تقویم دی حیثیت رکھدااے۔الیس کئی ایہدے فرض و چ شامل اے کہ اوہ اپنے خالق نال اَبدی جڑت رکھے کیوں ہے ایہو جڑت ای عشق دا پیش خیمہ موندی اے۔ایے واسطے تو حید دا فلے اودوں تیک عقل و چ نہیں آسکد اجدوں تیک عشق دی رنگن کوں اُمدر نہ ساجاوے۔عشق اوا کیل یا شوق اے جہدے با جبوں رب دا قرب حاصل نہیں ہو سکد اتے رب دا قرب خدا دے محبوب، کو نین دے والی اللیظیۃ نال محبت رکھیوں بغیر کدی نہیں مل سکد اتے رب دا قرب رسول عربی انتقالیہ دے عشق و چ تے رسول عربی اللیہ و اقرب رب محتق و چ کے سول عربی اللیہ و اقرب رب محتق و چ کے دول و ای ایک اس کے دول و چ اُجا گرنہیں کردا محتق و چ کے ایسان کی حب دل و چ اُجا گرنہیں کردا محتق و چ کے ایسان کی حب دل و چ اُجا گرنہیں کردا محتق و چ کا جو ل و چ اُجا گرنہیں کردا محتق و چ کا جا تو ں وانجیا رہندا اے۔علامہ اقبال ہوراں جواب شکوہ و چ ایسے عشق دی گل کینی

کی محملات سے دفا تو ہے تیرے ہیں

یہ جہاں چیز ہے کیا لوح وقلم تیرے ہیں

عشق اوہ واسطہ یا وسیارے جہدے فیل بندہ رب تے رسول واقر ب حاصل کرلیندا

اے تے جدول عشق اوہ برے کو س کو ساجا تھا اے تے فیر بقول اقبال

عشق کی اِک جست نے طے کر دیا قصہ تمام

اس زیمن و آسان کو بے کراں سمجھا تھا بیں

عشق والازمی نتیجہ مجبوب دی رضا تے قرب دی طلب اے تے صوفی شاعراں نے

ایسے عشق نوں اپنی شاعری وا مرکز تے محود بنا کے تصوف دیاں منزلاں واذکر اپنے کلام وج کہتا

اے تے نال نال عمل تے قائم رہن دی تلقین وی کیتی اے کیوں ہے عشق عملوں بغیر اوھوراتے عمل

عشقوں بغیر ناکھمل رہندا اے علاما قبال ایسے گئ آ کھدے نیں۔

عشقوں بغیر ناکھمل رہندا اے علاما قبال ایسے گئ آ کھدے نیں۔

مراشد سینے کہساریاک از خون پرویز است

نجی ہوریں اک درویش صغت انسان جہدے اندراک کمل صوفی بُکل مارے لگیا ہویا اے اوہ جدوں اپنے عشق دی ہوک بلند کردا اے تے بجی ہوراں دے قلم وچوں چانن داسوما مجھٹ بپندا اے۔اک کافی وچ عشق دی چڑھتل دانظاراو کیھو۔

عشق نمازال جهال برهيال نيز يسركيايا

سوهناعشق كمايا

سبه كجه بمعليا او منال تائيس رب نهملن بإيا

جهالعثق كمايا

. عشق چبارے یائی جماتی ایناآپمٹایا

ايرالعثق كمايا

سارے چولے لاہ کے سے عشق داچولا پایا

سوهناعشق كمايا

عشق جهدى وى برس رچيااوه كدهر اندرتايا

صاحب عثق كمايا

عنت كنز أوالا قصه بيهولول آ كوسنايا .

جهالعفق كمايا

نال فقر دے یاری لاون بھاگ جہاں دے چھے عصق دی اگ وجھے مودے والگ چھے عصق دی اگ وجھے مودے والگ چھے

ہوش بملایا سرت کوائی عفق دا پایا بانا ڈاؤھا مشکل رستہ کملیا کیا کیہ انجانا اس دے شوق دا دیوا بلیا جس نے رمز پچھاتی اندر باہر روش کردی عشق دی اتو جھاتی

\$

عشق ترا اے میری دولت عشق ترے وچ کی کی راحت داخت دی لات دی لات دی لات دی لات توں میل اتار آتار میل اتار

公

جنهال بیار دا نور پچهاتا او بهنال عشق کمایا دکھال فکرال تاکیں او بہنال دل اپنا چپکایا

公

عشق دی سنگت پاون والے کدے نہ بدلن چولے
پریت پریم دا ہر اک سادھو پیار دی بولی بولے
مجمی ہوریں وی عشق نال عمل دا ہوکا لاندے و کھالی دیندے نیں کیوں ہے ایہناں دے
مزد کیک وی عشق باجھ عمل دے کھمل نہیں ہوندا۔ایسے ٹی عشق نال عمل دی صداوی بلند کردے نیں۔
منگ عمل تھیں بھر لے جھولی کچ دا پا توں بانا
دنیا اُتے دوجی واری و کھے کے نہیں آنا

*

بے عملی دا کوڑھ جم تے بگل شو دی ماری اوڑک کیمنی ایس نوں جمی عملال باجھ اے خواری تصوف دے کچھ مسئے جیویں موثوقیل انت موثو کنت کنزا. و هو معکم اینما کنتم. نحن اقرب الیه من حبل الورید هوا الاول و الاخر والظا هرا و الباطن. و نفخت فیمن دوحی سے الله نور السموت والارض. دیاں قرآنی آئتاں وچ صوفی لوک پیشرہ مجھدے نیں تے وحدت الوجوددی نیہ جان دے نیں نجی ہورال دی اپنیاں کافیاں وچ

تھاں تھاں ایہناں نوری کرناں نوں دیویاں وانگوں روشنان دا آ ہر کیتا اے۔ کچھے کا فیاں دیے شعر ملاحظہ کرو۔

> مینول دور نہ ڈھونڈن جاویں توں میرے تال دا ورد پکاویں توں

> > ☆

میں حبل وریدوں نیڑے وال میں کلیا من دے ویٹرے وال عبی کلیا من دے ویٹرے وال

ہر تھاں چکال ماران وہ تھے تیرے وصف صفاتی شوق دا دیوا بالے جہرا کیھے امر حیاتی سوق

پردے کیک کے گھنڈال والے من وچ عشق مجاویں میں تیری آل صاحب سے اپنے حال نجاویں

ہر دم ساہ دی تسی اُتے یار دا کلہ کہے چھڑ کے سارے جھڑے جھڑے جھیڑے جھیڑے چھی بنی بہے

اقبال مجمی ہوران اپنی کافی راہیں پیار ، محبت، انسان دوسی، نیک عمل، کردارسازی تے ایہو جے ہورا خلاقی گلال داپر چارکیتا اے تے ایہدے نال نال رب دی یادتے جگ دی بے اثباتی تے موت، آخرت ور گے مسئلیال نول وی شاہ حسین تے بلصے شاہ دا تگول مخصوص اکھری ہیت مثلاً کھیڈ، پُونی، دان، ماہی، یاد، کینے شا، بازو، چھلے، سفنے، شوہ، دلبر، صاحب، سائیں، ناد، چوبارہ، سانگ، تسی، کلمہ، مرشد، بھائی، جمره، صبر، شکر، دُھونی، برہا، ہجر، وصال، نقارہ، گھڑ، جاگ، سنگ ، تسی، کلمہ، مرشد، بھائی، جمره، صبر، شکر، دُھونی، برہا، ہجر، وصال، نقارہ، گھڑ، جاگ، سنگ ، تی دخہ، تند، چھلی، نزع، تے ہور دُھر سارے اکھر ورت کے ایدن دیندے نیل پئی ایہ سنگ ، جمزہ، تند، چھلی، نزع، تے ہور دُھر سارے اکھر ورت کے ایدن دیندے نیل پئی ایہ

سارا بھ داپاراعارض اے۔رب دی یا درم دم چیتے رکھو، دنیاتے دنیادی ہر شے جھوٹھی اے، کی ذات اکوای رب دی اے۔ اگلی دنیا دی فکر کرو، موت تے آخرت لئ عملا ل دا داج کت لوہ نہیں ۔ تے پچھتان تول سوا کچھ پلے نہیں رہوے گا شاہدی لئی کچھ شعر پیش کیتے جاندے نیں۔ ساری عمر گوائی ایویں گتی اِک نہ چھٹی ۔ آیا وقت نزع دا سر تے کھڑک گئی اے نئی

ونیا دنیا کردی ڈیٹھی اُج نے خلقت ساری اوسے شے دیے میکھے بھتج جمری بے اتباری

صاحب نال محسبتال پائیال اوس تھیں دل ایہ لایا صاحب صاحب کردیال اوہنال اپنا وقت وہایا

منوں وساری جہاں دنیا ، صاحب دے ہو مکتے اس جیون نوں راکھ بنا کے راکھ دے اندر لکتے ہوں۔

سے صاحب نوں اوہ بھاوے جو لوے سانی مت نی! چند ڈھاوے ، پونی کتے تے نال بہائے رَت نی!

کدے نہ اپنے شوہ نوں بھاوے جہری کرے کیت نی! فکی تند نوں جوڑ کے تھلیے! بیار دا سور کت نی!

کل وچ کینٹھا ، بازو باہی ، اُلگلال دے وچ چھلے
تیرے اُئے مالک راضی ، تیرے بھاگ سولے
تیرے اُئے مالک راضی ، تیرے بھاگ سولے
محرمی باری محررت بابا فرید ہورال دی تو حید پرسی تے شاہ حسین دی رب تعالی نال
محرومی باری نی تینوں رب نہ جملی 'تے بابا بلھے شاہ دی کوک' اُٹھ جاگ گھراڑے مارنہیں 'دے

ایمان بھرے بولاں وانگوں اپنیاں کا فیاں نوں سنواریاتے شدگاریا ہے۔ جس طرح بیتاں بزرگاں نے لوکائی نوں اک خدا دی حاکمیت داسبق پڑھایا تے اوہدے اگے سر جھکان دی تلقین کیتی۔مثل حضرت بابافرید کہندے نیں۔

اُنھ فریدا وضو ساز صبح نماز گزار جو سر سائیں نہ نیویں اوہ سر کپ اُتار

حضرت شاه سین آ کھدے ہیں۔

ويلاسمران داأتهنام دهيالے

تے حضرت بلص شاہ کہندے نیں۔

أخم جاك كراڑے مارئيس ايسون ترے دركارئيس

ا قبال نجی ہوراں دیاں کا فیاں ایس پاروں ملائن جوگ نیں کہ ایہناں وچ روایت تے جدّ ت دا آپس وچ گوڑھا رنگ رچیا ہویا اے شتے کا فیاں وچ بنتر تے اسلوب دے لحاظ نال وکھرے وکھرے تجربے وی کینے نیں تے نال نال کلاسیکل تکنیک نوں وی قائم رکھیا اے۔ایے سبوں کا فیاں پڑھن سنن والیاں دے دلاں تے گوڑھا اڑچھڈ دیاں نیں جیویں۔

ا-كيدا _ميرازور

جيوي مرضي ٹور

۲۔جاگ مسافر ہن تے جاگ

٣ مينول ائي را مينور

٣ _مينول كرد _يول جران بجن

۵_میرےدل وج أمھیا شور

٢- بن لاد _ باغ بهار

٧- سيه تول وقي كاتول سركار

٨-كيهردااے برواه ماى

اتم الناس اعرفهم بنفسه ... و اتمعهم لشهوته و حرمه ترجمه لوکال و چ سجاقول زیاده کمل اوه بنده اے جہز اسجاتول زیاده اپ نفس تول واقف اے انسان احسن تقویم دے لائق تال ای ہوسکد ااے جاده اپ خالق تے مالک اگ سرجھکائی رکھے تے اوہ ہے وصفال دی تسی سا ہے سا ہے کڈھدار ہوے تے اپ آپنول او ہدے دیگ لوے جویں للاری کپڑیال نول رنگ چا ڈھدااے ایس لئی کہ اللہ تعالی دے شق دار تگ سمعنال نالول پکاتے گوڑھا اے خود اللہ تعالی پاک کلام و چ فرماندے نیں۔ مسختہ اللہ و من اللہ من اللہ صنعتہ و کون لے عبدون۔

الله تعالی دارنگ بیزا چنگاا بے الله تعالی دے رنگ توں؟ بیتے اسیں او ہدی (الله دی) عبادت کرن والے آں۔

ا قبال مجمى ديال كافيال وج اليرك ول توجد دوائى استال بدرب دا بنده ابند رب نال

گوڑھی پریت پائی رکھے کیوں ہے بندے دا پارا تارارب دی پریت نال ای ہونا اے۔ کچھ شعر ایسے تناظر وچ ملاحظہ کرو۔

> مینوں رنگ دے اپنے رنگ وچ کرلے اپنا سکی کیوں ہے جہدی سبھ نوں سائیاں تیرے رنگن رنگی

رکن والے دی مرضی اے جنہوں چاہوے رکے خالی دکھرا کاسہ کدرے بھر دیندا بن مگے علی رکھدا کاسہ کدرے بھر دیندا بن مگے محمدا قبال بجی دیاں کافیاں وچ اسلامی روایات دے سمے دھارے وگدے نظری آ وندے نیں نے مکدی گل ایدوے پیُن پریم دے دھاگے 'دیاں سمے کافیاں صوفیاندریت نوں اگا نہہ ٹوردیاں فنافی الذات ، فنافی الرسول نے فنافی الله دیاں مزلاں دے پینڈیاں تے تابت قدمی نال چلن نے ہلا شیری دیندیاں نیں نجی ہوراں دیاں مردف کافیاں اپنی اپنی پیٹر تے اپنے مہا ندرے پاروں روایت تے جدت دے تال میل نال فی! تیوں رب نہ بھی دعا فقیراں دی اجبہا چائن میلہ ہودے دلاں وچ اللہ ہو دی صدابن جاوے۔ آئین

.....☆.....☆.....

Tall Horatal United Liver Committee Committee

اجو کے دورداصوفی

''کافی''بارے سوجھواناں دے اور سے وچاراں پاروں ایہ نکھیرا کرنا او کھا اے جا ایس دی عمد کید اے؟ ایس بارے دلیل دی تھاویں دعوے تے جذبا تیت غالب اے۔ وُاکٹر نذیر احمد کافی نوں موسیقی دے اکٹھاٹھ تے راگ واناں دیندے نیں۔ سیدعلی عباس جلال پوری ایس وں ''کافی'' توں بنیا لفظ' کافی''متھدے نیں جنہوں کامل دے معنیاں وچ لیا گیا۔ شریف کتجابی لفظ' کاف' نال تعبیر کردے نیں عبدالغفور قریشی ایس نوں قوافی داوگر یا روپ دسدے نیں جدوں کہ قدر آفاقی کہف نال تعلق ہون پاروں کمفی (یعنی غار وچ بہن پاروں) دی نسبت نال کافی دی دس پاؤندے نیں۔ حمیداللہ ہاشی ایس دے نفظی معنی پوری یا کھل دے دسدے نیں۔ کافی دی دس پاؤندے نیں۔ حمیداللہ ہاشی ایس دے نفظی معنی پوری یا کھل دے دسدے نیں۔ آھے خال ہوراں دی کاؤھا ہے جالیں دامادہ مقامی بولیاں دی تھاں عربی فاری اے۔

ایبنال سیمنال ودوانال دی تھال بشیر حسین ناظم ہورال دی رائے وچ وزن تے مگرائی اے اوہ عربی وچ رجُل' کاف' تو ل گل ٹوردے نیں تے رب سے دے فرمان' الیس اللہ بکانی عبرہ' نول کھر کھدیال ہویال اوہ دی عظمت، وڈیائی تے ہزرگ اگے منکھ ترلے تے منت وچ من دی سک پارول جو د کھ بحری کرلاٹ الا پدااے اوس نول کافی آ کھدے نیں۔ اوہنال دے بقول کافی اصل وچ کاف اے جویں شافی اصل وچ شاف اے کافی تے شافی رب سے دے صفاتی نال نیں۔ ہراوکڑتے بیاری و سلے' یا کافی یا شافی' واوردو ظیفہ اپنے دکھال رب سے دے مضاتی نال نیں۔ ہراوکڑتے بیاری و سلے' یا کافی یا شافی' واوردو ظیفہ اپنے دکھال نول گھٹان داکارن وی اے تے اللہ سائیں دی عظمت تے ہزرگ دادلوں وجو ل اقراری ہوون وی اللہ سائیں دی عظمت تے ہزرگ دادلوں وجو ل اقراری ہوون میں اللہ بکانی عبرہ، دے چانن وچ کافی نول معنیال دے مو کلے بیار وچ پاک پور، مگوینت تول صاف تے شفاف دل و چول نکی ہوک تے کوک دسدیاں ربی سائے دیاں تجلیاں تے چانن دی گل چوبی اے۔

بیر حسین ناظم مورال دی کافی بارے نرول رائے مرول ایرگل اُ کھڑی ہے روح دے فیل توں وچیزن باروں رہمتی وچ دے کی توں وچیزن باروں رہی عشق دی تا تھے، اوہدے وصال دی تھے ،سالک نوں سرمتی وچ کھور رکھدی اے۔اک صاحب حال ،صوفی اوہدے جلوے، اوہدیاں قدرتال تے تجلیاں نوں

روح تے وارد کرکے ہرتھاں اوہدی حجیب ویہندااے۔ایہ سرمستی، دوری، تزپ تے آہوزاری جز نوں کل دے جمال تے جلال توں آشنا کر کے ذات واحد نال اک مکتھی ونجن ول پریر دی اے۔

شاہ حسین توں محمد اقبال نجی تیک کافی دے ایس پینیڈے وچ قدم قدم تے نوری طور آ و ندے نیس پینیڈے وچ قدم قدم تے نوری طور آ و ندے نیس تے ہرکلیم نے اپنی ہت موجب کا نبات دے اسراراں، ڈونکھیاں رمزاں تے ربی جمال دی سک نوں چنگیا ڑے تو ں تربیل بنان داجتن کیتا اے۔

پنجابی زبان تے ادب دی تاریخ دے اجو کے مہاڑاں وں نیجھ لاکے سکے تے عارفانہ سرمتی دیاں نویاں لیمباں اُسردیاں تے ویلے دے سینے تے پر دیاں ہمیش اپناروپ وٹا تدیاں دسدیاں نیں ہے جمرا قبال نجی ہوراں دیاں کافیاں وچ ایدا تگ بڑا پچواں تے ڈھکواں وکھالی دیدا اے ۔ اوہماں کول بلسے شاہ دی ندھڑتا دی تھاں شاہ حسین دی عابر دی، فقیری تے عارفانہ فغا گوڑھی اے سگوں کافی دے مو کلے پیار داسچا نے سپچارنگ وصدا نیت تے الوہیت دی رنگن وچ کوڑھی اے سگوں کافی دے مو کلے پیار داسچا نے سپچارنگ وصدا نیت تے الوہیت دی رنگن وچ رنگیا پوکھا نکھیر وال وکھالی دیندااے ۔ ہیت دے تجرب دے گھنے جانو محمدا قبال نجی نے کافی تے دو ہڑیاں دے دھاریاں نوں اک مک کر کے فکری سانچھ دا وکھالا کر دیاں پنجابی شاعری دے انبرال تے اپنی سہیان دی نوی پیکھ بنائی اے ۔ ربی معرفت، شریعت، طریقت، حقیقت تے انبرال تے اپنی سہیان دی نوی میٹ حقیق دی ست رنگی پینگھ دے ہلارے لیندے جذبیاں تے انالحق میں دے سرمدی نعریاں دی گوڑھتا اکھر اکھر وچوں اپنج ہوون دی دس پاؤندی وکھالی دیندی اے۔ غلام صطفیٰ بہل دے سرمدی نعریاں دی گوڑھتا اکھر اکھر وچوں اپنج ہوون دی دس پاؤندی وکھالی دیندی اے غلام صطفیٰ بہل

.....☆.....☆.....

اِتُوای چشمہ نوردا اِتُوای پیاردی ذات اِتُوای رُکھ شہوددا سبھ شاہد جہدے پات اوہنوں ای بیاری تھیے دل آ کھے جہڑی بات نور ملے اس دل نوں اوہ پاوے تکھی جھات دھل جاوے فرسرتوں ایہ کی بھاری رات

. \$

تون این صاحب میرا اليجند تيرے ناوي لاوال تیرے دوارے بیٹھر ہوال میں دهيال مون يا جهاوال بھاویں جمرے حال اِچ رکھیں گولی تری سداواں ج تو المجات كرم دى ياوين ير ه چوبارے جاوال میت مرے میں تیری پریت دے گون ہمیشہ گاواں

میں جمراسا تک رجایااے أس كھوج اوسے دالا يااے بن اوہدے پیارحوالے نال كجھ اپنا بھرم بنایا اے گل کریئے کیہ گل کردے ہوئے ڈریے جی كيه ليناد نيادارال تول میں چنگادور گنوارال توں ب مرال ایمنال یارال تول مھال تے چور برارال توں گل کریئے کیہ مل کردے ہوئے ڈریے جی 公

میں پگی بازی ہاری اے
میں چکی گھٹری بھاری اے
میں دل داسودا کرچھڈیا
مینوں ملیایار بپاری اے
گل کر ہے کیہ
گل کر دے ہوئے ڈریے جی

میرے دل وج الحمیا شور میرے دل وج الحمیا شور

الک الک رووال کرال بہانے میرے وکھڑے کہڑا جانے کے نیں سوہنے بیت زمانے بین کیہ اپنے نور وکھانے بین کیہ اپنے زور وکھانے جدول کیمدی پھردی گور

میرے دل وج انھیا شور میرے دل وج انھیا شور

نال علم دے کھیسا بھریا ہریا دے شوہ وج تریا آ بیٹھا ہن تیرے دوارے لیے آندا میں جو کچھ سریا میں جو کچھ سریا میں جو کچھ سریا میں خہ کچھ ہور

میرے دل وج الحصیا شور میرے دل وج الحصیا شور

مینوں دنے دن سالی جہوے نگھ گئے کا بلی کا بلی مینوں حیاتی تنگھ سنیاں مینوں وج گئے اوڑک تالی مینوں دور اے دِتا نور

میرے دل وج أنھيا شور ميرے دل وج أنھيا شور

سوہنا دلبر ہسے ہولے
کدے نہ وسے جا کے اولے
پھڈ کے مجمی پردے پانا
مخفی راز بمن سارے کھولے
ہازی اُلٹ دوے چت چور

میرے دل وج اٹھیا شور میرے دل وج اٹھیا شور میرے دل کی اٹھیا شور

رُسیا میرا ماہی میتھوں کون پچھے میرا حال نی سارے اپنے حال دے قیدی کون ٹرے میرے نال نی ویڑھے بارے فرتوں سوچیں ، اپنا آپ سنجال نی یاد ماہی وچ رجھی رہ نہ روگ اولڑے پال نی لیکھدا جاوے دن ایہ سارا کیوں پئی ایں وچ خیال نی جے کہ میت بنانا اُس نوں فر اپنا آپ اُجال نی ویڑھے بارے فرتوں سوچیں ، اپنا آپ اُجال نی ویڑھے بارے فرتوں سوچیں ، اپنا آپ سنجال نی

Marfat.com

مینوں کر دے توں جران ہین مینوں کر دے تولی جران

رہ نیڑے دور نہ توں جاویں
مینوں کسے اُزمیش نہ پاویں
مینوں سور نہ کواویں
توں سوہنا ایں سلطان ہجن

مینوں کر دے توں جران ہجن مینوں کر دے توں جران

ایہ فکر ازل نوں جھٹی اے کئی قرضہ نیں جان اکٹی اے میں فردیاں کُٹر ملی اے میں کر میرے ول دھیان سجن کہ

مینوں کر دے توں جران ہمن مینوں کر دے توں جران

رہے نال دا ورد بکارال میں استے ہلاوال تارال میں میں ترے نال تے ہلاوال تارال میں ترے نال تے رہن گزارال میں مینول دے دے اپنا مان سجن

مینوں کر دے توں جیران سجن مینوں کر دے توں جیران


میں مُدِّ عول داج وہونی آل
میں کوئی نہ کتی پونی آل
میں کوئی نہ کتی دونی آل
میں دیج گناہواں دونی آل
مینوں دیے دیے سونی شان سجن

公

مینوں کر دے توں جران سجن مینوں کر دے توں جران

عشق ترے وہ میں متانہ توں این میرا یار یگانہ ین کے رہ نہ توں بگانہ کر ول دور زنگار بی بن لا دے باغ بہار بین ین لا۔ دے باغ بہار ليقال تيول رات براتي میرے وَل ہے بھاویں جھاتی مل جائے مینوں نویں حیاتی کل ش سوی سرکار سجن ین لا دے باغ بہار بین ین لا دے باغ بہار

منقے دیون سم ولات رکھدے مینوں یاسے یاسے ہے توں لاویں ای راسے سبھ کھل جاون اسرار سجن من لا دے باغ بہار سجن ہن لا دے باغ بہار عشق ترا اے میری دولت عشق ترے وہ کھدی راحت وے کے مینوں عشق دی لڈت توں سارا میل آتار سجن من لا دے باغ بہار سجن بن لا دے باغ بہار ☆......



تن من دا هوش گوا بیشے جان اپنی گھول گھما بیشے جان اپنی گھول گھما بیشے اوہ پریت دا چولا یا بیشے اوہ پریت دا چولا یا بیشے

جو پیزا جام اُس ساقی دا جو پیزا جام اُس ساقی دا

وچ من دے یار وساندا اے
اوہ مست اکست سداندا اے
سبھ جھوٹھے شور مکاندا اے

جو پیدا جام اُس ساقی دا جو پیدا جام اُس ساقی دا

公

دن رات اوبدے لئی شادی اے اوہ گھمدا وادی وادی اے اوہ دیدا خوب منادی اے جو پیندا جام اس ساقی دا جو پیندا جام .أس ساقی دا ناں اِکو اوہنوں یاد رہوے ہر دُکھ توں اوہ آزاد رہوے یی وسل پیالا شاد رہوے جو پیدا جام اس ساقی دا جو پیدا جام اس ساقی دا ☆......

بھاگ مرے وی جاگن تیری صحبت کیتے چنگی دور توں کردے میرے سائیاں میرے دل دی تنگی مینوں رنگ دے اپنا عنگی مینوں رنگ دے اپنا عنگی کیوں جے بچدی سجھ نوں سائیاں ترے رنگن رنگی

 \bigcirc

نال فقرجو صحبت رکھے ہر دم سکھی تھیوے اپنے متھیں بابا لوکا اپنی گدڑی سیوے شاہاں نوں وی گر ایہ دسے سبھ سلطانی والے نال فقر دے بلدے ڈکھے عزماں والے دیوے نال فقر دے بلدے ڈکھے عزماں والے دیوے

☆

اک تاں اپنی خاک سنواری نال فقر دے رہ کے
اک اوہ نال فقر دے جہرے اپنا آپ منیوے
اک انجانے نال فقر دے رہندے خالی جھولی
اک انجانے نال فقر دے رہندے خالی جھولی
اک اوہ اللہ والے جہرے بالن بجھدے دیوے

公

اوس فقر توں دور رہیں توں جہدے وچ وپاراے
اوس فقر وچ رہنا سکھ توں جہرا خاک سواراے
ایس فقر دی راہ تے ٹرنا سوکھا کم نہیں ہوندا
ایس فقر دی راہ نے ٹرنا سوکھا کم نہیں ہوندا
ایہاوہ راہ اے جہری راہ وچ پیندی نفس نول ماراہ

...... ☆......

دل وچ جہڑا یار وساوے
اوہ نہ راگ ستارے چاہوے
اُج سارے گھنڈ اُٹھاویں توں

ہمینوں دور نہ ڈھونڈن جاویں توں
میرے ناں دا درد پکاویں توں
میرے ناں دا درد پکاویں توں

نینوں میری سکت بھاوے گی روح چین تری انج پاوے گی میری ذات چی آن ساویں توں میری ذات چی آن ساویں توں مینوں دور نہ ڈھونڈن جاویں توں میرے ناں دا ورد پکاویں توں میرے ناں دا ورد پکاویں توں

نه پنچھ میتھوں میں کیبا واں توں سمجھ میں تیرے جبیبا واں انج اپنا آپ بھلاویں توں کہ مینوں دور نه ڈھونڈن حاویں توں مینوں دور نه ڈھونڈن حاویں توں

مینوں دور نہ ڈھونڈن جاویں توں میرے ناں دا ورد پکاویں توں

میں حبل وریدوں نیڑے وال
میں لگیا من دے وییڑے وال
جنگلیں نہ پھیرے یاویں توں
ہنگلیں نہ پھیرے یاویں توں

مینوں دور نہ ڈھونڈن جاویں توں میرے نال دا ورد پکاویں توں میرے نال دا درد پکاویں توں

and the United States of the

ELU BE WILL BE WILL

Tell on a fait well in

to the deal of the second

نال فقر دے یاری لاوٹ بھاگ جہاں دے چگے عشق دی اگ وچ سردے ڈھے بن کے والگ پنگے رگان والے دی مرضی اے جنہوں چاہوے رکھے فالی رکھدا کاسہ ، کرھرے بھر دیندا بن منگے فالی رکھدا کاسہ ، کرھرے بھر دیندا بن منگے

کیسر ہولے چھیتی چھیتی وَج گیا کوچ نقارہ
نال گناہیں اپنا گھٹر کریں نہ ہور توں بھارا
کرنی اوژک بھرنی بینی ایہ تے اک ورتارا
اگلا نہیں توں دِنھا اس کئی ایہ جگ گے پیارا

اگلا نہیں توں دِنھا اس کئی ایہ جگ گے پیارا

.....

مینوں اپنی راہے ٹور اپنی راہے ٹور وے ماہی مینوں اپنی راہے ٹور

رو رو ہائیں بھر لینا وال ابنے تھیں گل کر لینا وال ابنے تھیں گل کر لینا وال تیرے تے تہیں میرا زور

مینول اپنی راہے ٹور اپنی اپنی اپنی اپنی اپنی مابی مینول اپنی راہے ٹور مینول اپنی راہے ٹور مینول اپنی راہے ٹور

بلی بل وصل دے راگ الایاں دل علیاں دل علیاں دل علیاں ملایاں علیاں علیاں

مینوں اپنی راہے ٹور اپنی راہے ٹور وے ماہی مینوں اپنی راہے ٹور

شوہ وحدت دا ہے میں پاواں اس وچ اپنا آپ گنواواں مِث جاوے ایہ سارا شور

مینوں اپی راہے ٹور اپی راہے ٹور وئے ماہی مینوں اپی راہے ٹور

رستہ ہور وکھا نہ ماہی غیر دے متھے لا نہ ماہی میری تیرے ہتھ اے ڈور

مینول اپنی راہے ٹور اپنی راہے ٹور وے ماہی مینوآل اپنی راہے ٹور

درش تیرا ہے میں پاواں اینے دل نوس میں بھرماواں بھرلال اینے نین کور

مینول اپنی راہے ٹور اپنی اپنی اپنی مابی مینول اپنی راہے ٹور مینول اپنی راہے ٹور مینول اپنی راہے ٹور

تیخوں مُول نہ گل لکائی تیرے تاویں جدد میں لائی مینوں وے نہ عم توں ہور

مینوں اپنی راہے ٹور اپنی راہے ہوں اپنی راہے ماہی اپنی راہے ٹور وے ماہی مینوں اپنی راہے ٹور مینوں اپنی راہے ٹور ہے۔

اک اللہ اک مولا والا ہر وم ورد پکاندے رہے اوملے بہہ کے دنیا کولول چوٹ ایہ دل تے لاندے رہے ایخ حال ای مست آلست جھلے اِن سداندے رہے ائی وکھری دنیا آی اِک دنیا وج وساندے رہے اک مک ہو کے زیج وس جائے اپنے بھیت لکاندے رہے من وا چند ڈھا کے وم وم الف دی ہوتی پاندے رہے پریم دے دھاگے قادے رہے پریت دے جوٹے پاندے رہے \$\frac{1}{2}

یار دے نیڑے اوہ اے جھے اپنی ذات مکائی
میں میں کر کے کدے نہ کیتی اپنی جس وڈیائی
دُکھ جہان دے جھولی پائے دل دھونی جس لائی
عشق نوں اپنے صادق کیتا رکھی اُگ دبائی
کدے نہ اوہ گل کیتی نجمی جہڑی ہے پرائی
سیسیس

تیری صورت ساجنے آوے میری مستی ودهدی جاوے حسن ترا اے شوخ بہار سبھ توں وڈی توں سرکار منیا تیول سومنا یار نام نشان منا دے میرا و کھے لوال میں تیرا ڈیرا سم المرار ماون امرار سبھ توں وڈی توں سرکار ₩.....

کہوا اُٹھے رات براتیں ہڈال دی اگ بالے گف کوں گور پالے گف کوں گف کوں آ کھن والے کون کبور پالے چڑیاں وانگوں اُڈ کے ہر کوئی ویلے نوں پیا ٹالے خوش خیالی بیچے اپنی ہر کوئی جندڑی گالے خوش خیالی بیچے اپنی ہر کوئی جندڑی گالے

ہر تھاں چکاں مارن ڈِٹھے تیرے وصف صفاتی شوق دا دیوا بالے جہرا لیھے امر حیاتی اس دے شوق دا دیوا بلیا جس نے رَمز چھاتی ائدر باہر روش کردی عشق دی اِتّو جھاتی اندر باہر روش کردی عشق دی اِتّو جھاتی

جاگ مسافر بمن تے جاگ جاگن تیرے سنتے بھاگ

اکھیاں کھول کے بیٹھ توں بیبا توں ایں مال خرید کے تھلیا کم کر جھلیا وکھ نہ میلہ کڑھوتوں من چوں بیاردے راگ

جاگ مسافر بمن نے جاگ جاگن تیرے سنے بھاگ

امن سلوک واسخن الا دے عشق وا اٹھ کے ناد وجا دے مار دے یاد دے یاد دے یاد دے یاد دے یاد دے یاکہ دانت گوا دے دوئی والے مار دے ناگ دوئی والے مار دے ناگ

جاگ مسافر بمن تے جاگ جاگن تیرے سنتے بھاگ

بل بل کے ہُن بچھ گئے تارے وہ گئے اپنے کوچ نقارے وہ گئے اپنے کوچ نقارے توں سُتا ایں کم وسارے تیوں نہ جاگ

جاگ مسافر بمن تے جاگ جاگن تیرنے سنتے بھاگ

وچ سرائیں تیرا ڈیرا تیرا ڈیرا تیرا ایسے تیرا ایسے تیرا ایسے ایسی تیرا تیرا تیرا توں تیرا توں تیرا توں تیرا توں ترشا لے جار چھیرا میں وچ الف والجھیر کے راگ

ہر دم ساہ دی تُسی اُتے یار دا کلمہ کہیے چھڈکے سارے جھڑے چھیڑے چنگی بہنی ہیے یار وتوں جومل جاوے دُکھ' اوس نوں سینے سہیے ہراوکڑنوں ہس ہس جزیئے کیوں پئے روندے رہیے ہراوکڑنوں ہس مس جزیئے کیوں پئے روندے رہیے

د کیے کیہ آکھے مرشد سائیں کول ذرا توں ہو کے گل دی تہہ تک اپڑیں گا توں اپنا آپ ڈبو کے سیکھک……

بات پنے دی کی کے بھے گئی حق دا ورد پکاویں دکھ سکھ دوویں مالک و آوں ایویں نہ گھبراویں بھالیں نہ کوئی ہور سہارا نہ توں رولا پاویں بھالیں نہ کوئی ہور سہارا نہ توں رولا پاویں

کردا رہیں توں چنگے کارے اپنا آپ لکو کے وکھے کیہ آکھے مرشد سائیں کول ذرا توں ہو کے مرشد سائیں کول ذرا توں ہو کے

چھڈ کے دنیا داری نوں بن دل توں لاہ دے جالے جھاتی مار توں اپنے اندر و کھے جو لیکھ نیں کالے چھاتی مار توں اپنے اندر و کھے جو لیکھ نیس کالے چنگی رکھیں سوچ جمیش توں چنگے ای چلیں جالے

لیمقیں نہ توں جھاں شہوتی اینھے کگر ہو کے وکھے کیہ آکھ مرشد سائیں کول ذرا توں ہوکے وکھے کیہ آکھے مرشد سائیں کول ذرا توں ہوکے

وکیے کیہ آکے مرشد اکناں ملدی مُت خدائی دو ہے اوہ بن جہال پُچھ گھھ اپی عمر بتائی دو ہے اوہ بن جہال پُچھ کیھ کی عمر بتائی تیج بیتر ورگے جھال ہوند پی تلکائی

مُت خدائی ہے نہ کھنے رہ توں مٹی ہو کے وکھے کیہ آکھے مرشد سائیں کول ذرا توں ہو کے وکھے کیہ آکھے مرشد سائیں کول ذرا توں ہو کے

گن دا ڈر کیہ اوہنوں جھے لکو گھر نہیں رکھنی مال کھرے نوں کھوٹا کہنا ایہ نہیں چنگی تکنی مال کھرے نوں کھوٹا کہنا ایہ نہیں چنگی تکنی اپنے سر جد ورتی جانی روک سے نہیں سکنی

تیری مرضی گٹ لے بیبا ہس کے یا فر رو کے وکھے کیہ آکھے مرشد سائیں کول ذرا توں ہو کے مرشد سائیں کول ذرا توں ہو کے

ایے تن دے جرے اندر پاندا جھات رہیں توں جس وچ یار دی مرضی ہووے اوہو بات کہیں توں دن وی ناویں اُس دے لاویں نال ای رات بہیں توں

دل دا بوہا کھول کے رکھیں باقی دے در ڈھو کے وکھے کیہ آ کھے مرشد سائیں کول ذرا توں ہو کے دیکھے کیہ آ کھے مرشد سائیں کول ذرا توں ہو کے

جے کر جانیں بل نیں تھوڑ ہے سنجل کے رُگ بھریں توں ہے کر جانیں شوہ ندھرا تاں تھوڑا مان کریں توں ہے کر جانیں شوہ ندھرا تاں تھوڑا مان کریں توں ہے کر اوگن گھٹ نیں فروی بہتا و کھے ڈریں توں

روہ ای ہے کر زہر بنی تے کس کم منا ہو کے وکھے کیہ آ کھے مرشد سائیں کول ذرا نوں ہو کے دی ہے ہے۔

مٹی وا ایہ ڈھیر نیں مجمی میحل نے کو تھے سارے ایہناں تائیں پیار نہ پائیں ایہ نیں بے انتارے صبر شکر دی روٹی کھا توں ہور نہ ڈھونڈ سہارے

كيهرواب برواه مابى

میں صدیے اپنے مائی توں میں صدیے بے پروائی توں

گم راہے نوں پیچان دوے جہوا تھوے اوہنوں مان دوے درماندے نول درمان دوے درمان دوے

公

میں صدقے اپنے مائی توں میں صدقے بے پروائی توں

کتے لیندا وچ کلاوے اوہ

کتے شوہ چوں پار لنگھاوے اوہ

کتے بچوے ذریح کراوے اوہ

لیم مدقے اپنے ماہی توں

میں صدقے بے پرواہی توں

میں صدقے بے پرواہی توں

کرے پھلاں لذے تھال دوے
کرے سوہنے نت خیال دوے
کرے ڈھیندے تائیں لال دوے
کرے ڈھیندے تائیں لال دوے
میں صدقے اپنے ماہی توں
میں صدقے بے پرواہی توں
میں صدقے بے پرواہی توں

کتے بھڑکی اُگ گلزار کرے

کتے سیس کٹن جیار کرے

کتے چاہ شٹن ہشیار کرے

کتے جاہ شٹن ہشیار کرے

ہم میں صدقے اپنے ماہی توں

میں صدقے اپنے ماہی توں

میں صدقے بے پرواہی توں

کتے پہنچی کھل لہا دیوے
کتے آرے تھیں چروا دیوے
کتے سولی تے چڑھوا دیوے
کتے سولی تے چڑھوا دیوے
میں صدقے اپنے مائی توں
میں صدقے بے پروائی توں
میں صدقے بے پروائی توں

کے کربل وکھے سجاندا اے سر نیزیاں نے چڑھواندا اے گل پیاریاں دے کڑواندا اے کل پیاریاں دے کڑواندا اے کل بیاریاں دے کڑواندا اے کل میں صدقے اپنے ماہی توں میں صدقے بے پرواہی توں میں صدقے بے پرواہی توں

اوہدی نجمی عجب کہانی اے

کتے کھوندا وانا پانی اے

کتے دیندا اوہ سلطانی اے

ہمیں صدقے اپنے مائی توں

میں صدقے بے پروائی توں

ماسى			مجمير
ノ	وے	41	6
زار	•	زار	رووال
		•••••••	••••
سوري	مثام	ے ای	باجھ ز
19	لائی	كقف	مابى
قرار	چين	كفسيا	ميرا
		••••••	••••
مابى	_		مجمير
ノ	وے	بربإ	6
زار	,	زار	رووال

پردلیں	ے توں	بنا ال	بے رہ
ويس	، اپ	سد کے	مينول
يار (سانول	سوہنے	میرے
	••••••	••••••••	••
مابى			چھیر
ノ	وے	بربا	6
زار	٠,٠	زار	رووال
	•		
مشاق	وي	صورت	تيري
فراق	وچ	روندي	میں
ويدار	يل	عيا بوال	تيرا
•			•••
مابى	•		چھیڑ
ノナ	رے	بريا	6
زار	,	נונ	رووال

ويد	تيرى	بإوال	ج		
عيد	ميرى	اوو ہے	فر		
مدكار	ہار	كيح	میں		
•		••••••	•••		
مابى	2		جهير		
ノ	وے	بريا	6		
زار	9	زار	رووال		
		••••••	•••		
سكهال	عشق	نوں	نه مج		
أجال	آ پ	اپنا	رنت		
گلزار	وچ	بلبل	توں		
			•••		
مابى	_		المحمير		
ノ	وے	بريا	6		
زار	,	زار	رووال		

 \bigcirc

رہندا اے اوہ کل مکل فر وی سم نال جوڑ اوہ سمعنال تول بے پرواہ اے سمع تول اوہدی لوڑ نت دعاوال منگال میری پریت پڑھے ایہ توڑ الف الله ول رتا مووعے رہے نہ کوئی تھوڑ كدهرے بوند بوند اوہ ديوے كدهرے كلى دور كرهرے ديوے پيم صراى آھے آپ نچوڑ اوہ سمعناں توں بے پرواہ اے سمع نوں اوہدی لوڑ سدھی راہ اے اوہدی مجمی جس وچ کوئی نہ موڑ نت دعاوال منكال ميرى پريت پڑھے ايہ توڑ

...... ☆......

وکھو وکھ نیں رہتے بھاویں ، سبھ دی منزل توں ایں بھوگن دُکھ نے کرن کمائی سبھ دا حاصل توں ایں ہر شے تیرا روپ اے ماہی ہر تھاں شامل توں ایں ماراں جھاتی جہڑے پاسے سبھ دا ساحل توں ایں تیری صفت ثنا اے ظاہر اکمل کامل توں ایں وکھو وکھ نیں رہتے بھاویں سبھ دی منزل توں ایں وکھو وکھ نیں رہتے بھاویں سبھ دی منزل توں ایں

لائی ہے کر پریت تے اوہنوں ویکھیں توڑ نبھا کیں ہے کرصاحب خوش اے تینھوں اوہنوں ہورلبھا کیں صاف سجا توں رکھیں کوئی نہ تند اولی پائیں اپی اُکھ مشاق نوں توں بس اوہدی راہ وکھا کیں لائی ہے کر پریت تے اوہنوں ویکھیں توڑ نبھا کیں لائی ہے کر پریت تے اوہنوں ویکھیں توڑ نبھا کیں

...... ☆......

جسرال گزرے نال اوہدے تون ویلا و کھے وہائیں اُس دے نال کرارنہیں کرنی من نوں ایہ سمجھائیں پہلے دن جیوں نال ٹری سیں اُس تھیں چائیں چائیں بہن وی اوسے پیار سجاتھیں گیڑے کڈھدی جائیں اُس دے نال کرارنہیں کرنی من نوں ایہ سمجھائیں اُس دے نال کرارنہیں کرنی من نوں ایہ سمجھائیں

لکک سجن دی ودهدی جاوے ملن دی آس

ساڑے مینوں ہجر وجھوڑا ولی میرا ایہ بن گیا کھوڑا دل میرا ایہ بن گیا کھوڑا کمیوا اس دی پیڑ مکاوے

لکک سجن دی ودهدی جاوے ۔.... ملن دی وی آیس

ڈوراں کھیج تند نہ توڑے میرے ول اوہ مکھڑا موڑے مینوں پیا بن جھلک وکھاوے

لئک ہجن دی ودھدی جاوے ۔۔۔۔ بیا ملن دی سس س

لئک سجن دی ودهدی جاوے ۔۔۔۔ ملن دی وی آس ۔۔۔۔

ابھیاں ساہواں بھردے رہیے مال کسے نوں کیویں کہیے مال کسے نوں کیویں کہیے کوئی نہ دردی نظریں آوے

لئک سجن دی ودهدی جاوے ملن دی آس آس

محمن گیر ہزاراں ایتھے جبیعاں نیں تلواراں ایتھے جبیعاں نیں تلواراں ایتھے یار مرا بن جھاتی یاوے

عشق دے لانبوتن من لوہیا، کس نوں میں بتلاواں کیویں مزل پاواں کیویں مزل پاواں میں باتاں بجھاں کیویں مزل پاواں آبیں بال کےرات دے پہریں پریت نوں جاگاں لاواں ہو جاواں ہے دل دا سوہنا فرمیں اُس ول جاواں

······· \

آئے تاہیں تم بن چیناں لا گے جب سے ساجن نیناں حهب دکھلا دو پیاری پیاری ديد کرا دو تم يه واري پیت ملن کی میں ہوں ماری سے ناہیں اب سے ریال آئے تاہیں تم بن چیناں لا کے جب سے ساجن نینال ······ ×

ہوش بھلایا سرت گوائی عشق دا پایا بانا ڈاڈھا مشکل رستہ ملیا کیتا کیہ انجانا تھک کے انج کھلو نہ راہ وچ توں ایہ پندھ مکانا عشق دے شوہ وچ رُڑھیا جہڑا اوڑک اُس تر جانا دل نوں ایہ سمجھانا

...... ☆......

میں میں اندروں توں تکلیں تے پچھے مردہ رہندا میں میں نویں حیاتی پاندا توں توں جد ایہ کہندا میں میں نویں حیاتی باندا توں توں جد ایہ کہندا میں میں چھڈ کے توں توں جپ لے جمی اٹھد ابہندا توں دا جہے عشق کمایا دنیا توں نہ ڈھہندا میں میں نویں حیاتی پاندا توں توں جد ایہ کہندا میں میں نویں حیاتی پاندا توں توں جد ایہ کہندا میں میں نویں حیاتی پاندا توں توں جد ایہ کہندا میں میں نویں حیاتی پاندا توں توں جد ایہ کہندا

منوں وساری جہاں دنیا ضاحب دے ہو مگنے اس جیون نوں راکھ بنا کے راکھ دے اندر لگنے مدت گروں کری کرائیں اوبناں نے کنڈھ چکتے پیار پریت تھیں شادچ کیتے کھیت دلاں دے شکتے بیار پریت تھیں شادچ کیتے کھیت دلاں دے شکتے مجمی جھات مہر دی یا کے اوہ فیر کتے جا لگنے صاحب دے ہو مگنے

····· ** ······

ولبرنال اوہ اسمحد بہند ہے اُس نال وقت وہاندے جدهر دلبر کرنے اشارہ اقدهر ای مر جاندے ولبردی گل یاد نیں رکھدے اوہ تے کھاندے پاندے سجن دے دیدار دے بھکھے ہور نہ کچھ وی چاہندے اپندے ایخ سویٹ دلبر ولؤں کدے نہ مکھ پرتاندے پیار پریت دے شوہ وی جبحی اوہ نیں غوطے لاندے دلبرنال اوہ اُٹھد ہے بہندے اُس نال وقت ویہا ندے دلبرنال اوہ اُٹھد ہے بہندے اُس نال وقت ویہا ندے

..... ☆.....

در در تے جو جھکنا چاہوے ایسے سر نوں کیسے

اِگو دے بس ہو کے رہیے اِگو دا ناں جیسے

اِگو اک اے اصل حقیقت دوئی دا سر نیسے

اِگو دے ای عشق دے اندر نجی ساہ ساہ تیسے

اِگو دے ای عشق دے اندر نجی ساہ ساہ تیسے

......

جهال پیار دا نور پچهاتا اوبهنال عشق کمایا دکھال فکرال تاکیل اوبهنال دل اپنا چکایا پیار وصل دی منزل ولیس اوبهنال پیر ودهایا عشق دا بوکا لاون والیال عشق نول سرتے چایا صاحب نال محسبتال پائیال اوس تھیں دل ایہ لایا صاحب صاحب کردیال اوبهنال اپنا وقت وہایا صاحب صاحب کردیال اوبهنال اپنا وقت وہایا جہال پیار دا نور پچهاتا اوبهنال عشق کمایا جہال پیار دا نور پچهاتا اوبهنال عشق کمایا

دل دا حال کیہ ہوندا ، کملا دیندا کنج دہائیاں حال ایہدا تے اوہو جانن جہاں اکھیاں لائیاں عشق جہاں دے ہڈیں رچیا کردے سائیاں سائیاں سائیاں صاحب سائیں ولوں جدنیں پھر دیاں نور سلائیاں الیں نظارے دی مستی فر کردی توڑ صفائیاں کئیاں اندر بھانبڑ کی گئے گئیاں خشراں پائیاں کئیاں سائیاں سائیاں

عشق نمازا ال جهال يدهيال نيز مركيايا سوهناعشق كمايا سبه كجه بهليا او منال تائيس رب نهملن بإيا جہاں عشق کمایا عشق چبارے یائی جھاتی اپناآ پ مٹایا ايسرال عشق كمايا سارے چولے لاہ کے سے عشق داچولا پایا سوهناعشق كمايا عشق جهدى وى برس جيااوه كدهر ان بايا صاحب عشق كمايا منت كنز أوالا قصه سجونول آ كهسنايا جهالعشق كمايا

کیداے میرازور جیویں مرضی ٹور

تیرے نال جڑی اے سائیاں ساہواں دی ایہ ڈور

> جیویں مرضی ٹور کیماے میراز ور

تیری آل میں تیری گولی تکھا تکھا ہولی ہولی

جیویں مرضی ٹور کیماے میراز در

مچل کھڑادے

رَت نہوادے

سنگل بإدے

مہندی لادے

سیج بٹھادے

کفنی بادے

بھاویں نورسہا گن دادے

بھاویں مینوں رنڈی کردے

سائياں ميں كمزور

جیویں مرضی ٹور کیماے میراز در

بھاویں دیے جگراتے مینوں بھاویں دیے نندرائیاں بھاویں ہنجو در دسوغاتاں بھاویں جانن سائیاں میں تے اکھیاں لائیاں

> کیداے میرازور جیویں مرضی ٹور

سائیاں تیری گولی آس میں ہے۔ وال پر انجول میں ہماویں ڈولی پاکے لے جا کر لے اپنے کول کر لے اپنے کول معاویں چا ئیس جا ئیس رکھتوں معاویں چیراں ہیٹھ مدھول

کچھ^{نہیں} میرازور سائیاں میں کمزور

کیہاے میرازور جیویں مرضی ٹور

ہور میں سائیاں کچھ نہ جا ہواں تیرے نال میں وقت وہاواں تیرے نال دا یاوال کا وال تیرے نال دا یاوال کا وال تیرے شق دی گدڑی یاوال میں کچھ نہ منگاں ہور میں کچھ نہ منگاں ہور

کیداے میرازور جیویں مرضی ٹور

> کیهاے میرازور جیویں مرضی ٹور

..... ☆.....

گامکال وانگول ساہوال نال توں نت ویار کری جا ایے شوہ دے نیڑے رہ کے اُس تھیں پیار کری جا ہے پروائی و کھے نہ اوہدی توں اتبار کری جا وطن قدیمی تائیں ایتھے توں کھھ میار کری جا پر طیمی ، آل دوالا پیار بہار کری جا چكر لنبے چاروں گئے ساز وچار كرى جا غفلت چھڑ کے بل بل تے توں شکر ہزار کری جا دھیان گیان تھیں جھاڑو دے توں بت ونگار کری جا أس تقيس پياركري جا

...... ☆......

اوكن بار أكلى مريى كوئى نہيں چليا نال را بھن ہے پرواہ اے ہویا کون کھے مرا حال صاحب سائیں وات لوے تے ہوواں خوب نہال رات ، دنے پیا میرے اُتے سے این جال وقت وہایا انج ای سارا ہے کے وج خیال كوئى نه ميرے وليں جھانكيا لنگھ گئے كئے سال چپ دی وق میلا لا کے بیٹی اینے حال كوئى تېيى چليانال

...... ☆......

سوہنا روپ گواچا کیویں سمجھ نہ مینوں آئی سفنے اندر لنگی جندڑی ہوش نہ مینوں کائی

جموے میرے نال فرے اوہ جاون رنگ وٹائی سے وی رنگ نہ کھیڈن دِتا اُس دی بے پروائی

لوک تے سارے بازی لاون کھیڈن چھین چھیائی میں نے سارے بازی لاون کھیڈن چھیائی میں تے وکھری نگر مل کے صاحب دی زے لائی

سئیاں میتھوں پہھن پئیاں کنج اے جند لٹائی شوہ نال کسراں ملنی ہوئی کسراں کمکی پائی

جے اوہ سانویں آندا نے فر ہوندی گھنڈ چکائی پھنڈ چکائی پھنڈ چکائی پھنڈ چکائی پھنے اوہدے ٹردیاں ٹردیاں ساری عمر وہائی

تن دی و کھری تانی تن کے سرتے سھٹری جائی من دی و کھری درد کتاب میں دوجیاں تھیں لکھوائی

جس دم ہوئی مجمی یارا روح کلبوت جدائی اک صاحب دے نال ملی تے دوجی خاک سائی اوس پریت دی دھونی لائی کیتی دور ویرانی
دل دی بنجر دھرتی تاکیں دِتا عشق دا پانی
مرشد ساکیں آ کھ گیا اے کیا کیا سخن حقانی
مجمی حرف نصیحت پڑھ کے اپنی ذات پچھانی

ہمیں حرف نصیحت پڑھ کے اپنی ذات پچھانی

اج دے لوکی جیوندے ہے نیں رہ کے کلتے کلتے کے رنگے سفنے تکے جفے ، دُکھ اُس بنھ لئے پتے کے کیا کے کیا کے کیا کے سفنے تکے جفے ، دُکھ اُس بنھ لئے پتے کے کیا کویں کینے سوت عمل دا پیش نہ ساڈی چلتے کے کیا اوہنوں نجمی جہڑا ڈاگیا تھلتے کے نہ چکیا اوہنوں نجمی جہڑا ڈاگیا تھلتے

公公

اج دے لوکی چہزیاں کولوں دل دا کرب لکاندے
سی توں اکھ ملاون توں بن سارے ای گھبراندے
ایسے لئی تے اک دو جوں دور نیس ہوندے جاندے
ہنجوا آں اُتے ہاسیاں والا نت ایہ رنگ چڑھاندے

ہنجوا آں اُتے ہاسیاں والا نت ایہ رنگ چڑھاندے

......

محرم حال تے ذات تری اے تتنول حال سناوال بن کے تیری باندی میں وچ گليال جھلي ياوال تينول حال سناوال. تيرى يا دوى يونى كتال ول يرخه جدد عاوال تتنول حال سناوال

تيريال را موال وچ موجعلی كوكال تے كرلاوال تتنول حال سناوال توں ای گیس پیار امینوں میں تیرے جشن مناوال تنيول حال سناوال جدهر جدهر سدتول ماري مي اودهر اودهر جاوال بن کے تیری باندی میں وچ گليال جملي ياوال تتنول حال سناوال محرم حال تے ذات تری اے تتنول حال سناوال

سیونی میں ڈھول دے کچھے جلی
عشق وچھوڑ ہے ڈاہڈ اکھڑیا
مینوں تاپ ہجرداجڑھیا
دھول مرینوں سارے جانن
اوہدے حسن دا تھاں تھان جانن
سیونی میں ڈھول دے کچھے جلی
سیونی میں ڈھول دے کچھے جلی

ڈھول مرے داکیہ پچھدے او اوہ اے اُچیاں شاناں والا میں جے کمزوراں تائیں دیوے بیار دوشالا سیونی میں ڈھول دے پچھے جلی و هول مرے دیاں انت صفاتاں
اوہ رے پیارچ رجھیاں نیں سبھ
اس دنیا دیاں ذاتاں
اوہ ری سبھاتوں اُنجی شاہی
میدیاں تا کیں اُنچا کر دی
اوہ ری بے پرواہی
سیونی میں و هول دے پچھے چلی
سیونی میں و هول دے پچھے چلی

جہاں آکھے سخن حقانی اوہو بیار پُرچیاں جہاں تے مکل لکیا ہووے شاخاں ہون نہ أجیاں جہاں دے سرسائیں ہوون اوہ نہیں رہندیاں بچیاں خدمت گاری جمهال سانجی اوه ذاتال نین سچیال جہاں حق سہیان نہ کیتی دل اکھیاں اوہ پچیاں ون سوئے ساک سہران جردیاں ہوون کیاں اوہ نہ ایدھر اودھر تکدیاں جمدیاں عشق ج گیاں جہاں آکھے سخن حقانی اوہو پیار پرچیاں

نال مجن دے رہیے ، ہر دم نال مجن دے رہیے جھولی پایئے دکھ سکھ سارے طعنے معنے سہیے نال مجن دے رہیے نال مجن دے رہیے نال مجن دے رہیے نال مجن دے رہیے

بابچھ بجن دے کہوا پکچھے حال دلے دا بابچھ بجن دے کہوا ایسرال آن ملے دا بابچھ بجن دے کہوا ایسرال آن ملے دا اوکھی بھاری بن جاوے تے اوسے تاکیں کہیے نال بجن دے رہیے نال بجن دے رہیے ملک

نال بجن دے رہیے ، ہر دم نال بجن دے رہیے علی معنے سہے حجولی پایئے دکھ سکھ سارے طعنے معنے سہے



طالب بن کے ہردم اوہدے پیار دیاں کینے چھلیاں اوہدے رنگ نیارے نیکے اوہدیاں سنے ٹلیاں اوہدے رنگ نیارے نیکے اوہدیاں سنے ٹلیاں اوہدے ولیں نظرال لایئے اوہدے نیڑے ہیے نال سجن دے رہے نال سجن دے رہے نال سجن دے رہے

سیونی میراجینا مرناسائیاں دے لڑلگ کے سائیاں کئی میں زیور پاواں
اپنے آپ نوں خوب پھاواں
سائیاں تا کیں نت میں بھاواں
سیونی میراجینا مرناسائیاں دے لڑلگ کے
سیونی میراجینا مرناسائیاں دے لڑلگ کے

سائیاں دادیدارج منگاں
سائیاں دامیں پیارج منگاں
سائیاں دااقرارج منگاں
دم دم کوک پکارج منگاں
سیونی میراجینا مرناسائیاں دیلالگ کے
سیونی میراجینا مرناسائیاں دیلالگ کے


سائیاں دےنال من اٹکایا
خوب دھیانے دل نوں لایا
سائیاں دامیں باناپایا
سیونی میراجینا مرناسائیاں دےلالگ کے
دی نگا ہواں میں آجاواں
گولی اُس دی سداسداواں
اصلال دی ہن راہ میں پاواں
سیونی میراجینا مرناسائیاں دےلالگ کے
سیونی میراجینا مرناسائیاں دےلالگ کے
سیونی میراجینا مرناسائیاں دےلالگ کے
سیدین میراجینا مرناسائیاں دےلالگ کے
سیدین میراجینا مرناسائیاں دےلالگ کے
سیدین میراجینا مرناسائیاں دےلالگ کے

اوہ تے بولن دی جا ، ناہیں لي نه أي ساه كدائي مجم عم اكم يول أتفركيري منها رگزیں ، پرین سکیریں ايرال انا حال ساكيل اوہ تے بولن دی جا ، ناہیں اوہ تے بولن دی جا ، تاہیں کیں نہ اُجا ساہ کدائیں

ساہ توں اینے روک کے بیٹھیں اکھیاں تاکیں ٹوک کے بیٹیس راہ توں پئیں نہ کدی کراہیں اوہ تے بولن دی جا ، ناہیں اوہ تے بولن دی جا ، ناہیں ليس نه أي ساه كدائي اوتھے ایڑے جند وجاری سیس نوائے اوگن ہاری ورو سائیں اوہدے تائیں اوہ سے بولن دی جا ، ناہیں اوہ تے ہون دی جا ، ناہیں ليس نه أي ساه كدائي ☆.....

ساری عمر گوائی ایویں گتی اک نہیں چھلی آیا وقت نزع دا سرتے کھڑک گئی اے ٹلی ناہیں زاد سفر کچھ لیے نہ ساتھ کوئی میں کلی آکھن بیال آنڈھ گوانڈھنال داج وہونی چلی

...... ☆.....



همسيا	وچ	وے	کہانی	كوڑ
محسيا	وچ	وے	فانی	ونيا
محسيا	وچ	وے	تانی	دهاگا
		*		
حسينا	بول	يول	مون	£ 1
	بول	اول	مونم	£ 1
		*		
		54		
سارال	ميرياں	ميال	نہ	کے
اتبارال	ب	نوں	ول	لوبيا
قرارال	قول	<u>a</u>	مجهو	بهاميا
		*		
حسينا	كول	وهكيا	نہ	كوتى
		وحكيا		
		☆		

سوہنا شہ رگ توں وی نیڑے

کڈھ نہ دور دراڈین گھیرے

وحدت نوں پیچانے کہوا

گل دی رمز نوں جانے کہوا
عشق سمندر چھانے کہوا

کہوا اپنے کم نیڑے

کہوا اپنے کم نیڑے

سوہنا شہ رگ توں وی نیڑے

سوہنا شہ رگ توں وی نیڑے

کڈھ نہ دور دراڈین گھیرے

ہر پاسے وے اوہدی ہستی
اوہدی ہستی دیوے مستی
کھُل جاوے اوہ گھر گرہستی
جہڑا یار دا تونیہ چھیڑے
سوہنا شہ رگ توں دی نیڑے
کڈھ نہ دور دراڈیں گھیڑے

\$

جہے اپنا آپ کچھاتا یار تھیں اوہنے جوڑیا ناتا اوّل آخر اوہنوں جاتا باقی سارے ساک تھھیوے باقی سارے ساک تھھیوے

公

سوہنا شہ رگ توں وی نیڑے کشھ نہ دور دراؤیں گھیوے

أتو دی جو سنگت کردا أتو دا جو ياني جردا أكو أكے سر جو دحردا یار نیں اوہرے ہوندے بیڑے سوہنا شہ رگ توں وی نیزے كدُھ نہ دور دواؤیں گھیوے بھاویں اسیں قیاماں کریئے بھاویں اسیں رکوعال چرہئے بھاویں سجدے وہ سر دھریئے کھایتے اے پر برتی بیڑے سوہنا شہ رگ توں وی نیزے كدھ نہ دور دراؤیں گھیوے

انگ بھبوت رما توں بھاویں مخصے منگا لا توں بھاویں دکھ سکھ وی ونجا توں بھاویں تیری راہ وج آنے کھیڑے

سوہنا شہ رگ توں وی نیڑے کڑھ نہ دور دراڈیں گھیڑے

اوبدا ہر اک جھوٹھا دعویٰ اوبدا و کھے تون آوی جاوا اوبدا سارا عمل وكهاوا جیدی گل وج ول اے تیزاے سوہنا شہ رگ توں وی نیڑے كره نه دور دراؤي محمرے اوہے کاہری لڈت یانی جے کے نہیں اکھ ٹکانی جہے درد نوں جاگ نہیں لائی جردا ول وا يوبا جيزے

سوہنا شہ رگ توں وی نیڑے کڑھ نہ دور دراؤیں گھیوے

ین جانا سیم تانا بانا اوژک سیم نانا بانا اوژک سیم نے خاک سانا بن جانا سیم اک افسانا کاہنوں فر ایر دکھڑے سیروے کے کہا کہ دیم کے سیروے کے کہا کہ دیم کے کام کا بنوں فر ایر دکھڑے سیروے کے کام دیرا کے کام کا بنوں فر ایر دکھڑے سیروے کے کام کا بنوں فر ایر دکھڑے کے کا بنوں کے

سوہنا شہ رگ توں وی نیڑے کڑھ نہ دور دراڈیں گھیڑے

 Δ

باب الست نوں اوہو پھولے قالو بلیٰ دی گھنڈ نوں کھولے گاوے نت اوہ ماہیے ڈھولے جموا دل دیاں تاراں چھیڑے جموا دل دیاں تاراں چھیڑے

公

سوہنا شہ رگ توں وی نیڑے کڈھ نہ دور دراؤیں گھیوے

جہوے اوہری بھال ج نکلے اوہ اپنی پرتال ج نکلے اوہ اپنی پرتال ج نکلے اپنے حال ج نکلے اپنے حال ج نکلے جھرے جھرے جھرے جھرے جھرے جھرے

公

سوہنا شہ رگ توں وی نیزے کڑھ نہ دور دراؤیں گھیوے

公

کردے نہیں اوہ کچھ تکرارال کول نہیں بہندے اوہ مردارال اوہنال دیاں وکھریاں تھاہرال اوہنال دیے نیں وکھرے تھیڑے

公

سوہنا شہ رگ توں وی نیزے تیرے دور دراؤیں محمیرے

جہوے اُس توں دور نیں رہندے جہوے نت کراہے پیندے جہوے نت کراہے پیندے جہوے کوئی وی مُت نہیں لیندے دنیا دے اوہ کھان تھیٹرے دنیا دے اوہ کھان تھیٹرے

公

سوہنا شہ رگ توں وی نیڑے کڈھ نہ دور دراڈیں گھیڑے


公

آئی ایں توں دلیں بگانے عشق دے گھائی توں کیہ جانے کے گھائی توں کیہ جانے کر لیے ایسراں توں شکرانے کی یار دے ویپڑے کے جاکے یار دے ویپڑے

公


سوہنا شہ رگ توں وی نیزے کڑھ نہ دور دراؤیں گھیوے

ول چوں سارے لاہ کے جالے اوہدے ذکر تھیں کریں اُجالے لی لے انج توں امر پیالے 一点是一点 سوہنا شہ رگ توں وی نیڑے كره نه دود دراؤي كھيوے میں دا مجمی بُت بن دھا توں اندر این جھاتی یا توں ول نوں أس وى راہے لا توں لگا ایں توں پاسے کموے سوہنا شہ رگ توں وی نیڑے کڑھ نہ دور دراڈیں کھیوے ☆......





محراقبال بجمی کی 2009ء میں شائع ہونے والی کتب






















88- بى يىنلائت ئادك كوجرانوالى فون: 055-3251603

فرق ادب اكادى